



UNIVERSITÄTS-
BIBLIOTHEK
PADERBORN

Universitätsbibliothek Paderborn

Aqvæ Vitæ, De Fontibvs Salvatoris. hoc est, Doctrina Evangelica De Meditatione mortis

Kispenning, Henricus

Antverpiæ, 1583

Sententia iij. Roman. iij. Omnes peccauerunt, & egent gloria Dei, iustificati gratis per gratiam ipsius, per redemptionem quæ est in Christo Iesu. lix.

[urn:nbn:de:hbz:466:1-46214](https://nbn-resolving.org/urn:nbn:de:hbz:466:1-46214)

illis morti & damnatis. Meum proinde Meritum
 Misericordiam Domini. Non plane sum meriti inops: quan-
 tu ille miserationum non fuerit. Quod si misericordia
 Domini multa: multus nihilominus ego in meritis sum.
 Quid enim si multorum sim mihi conscius delictorum?
 Nempe ubi abundavit delictum, superabundavit &
 gratia. Et si misericordia Domini ab aeterno usque in
 aeternum: ego quoque misericordias Domine in aeternum
 contabo. Nunquid iustitias meas? Domini memorabor
 iustitiae tuae solius: ipsa enim est & mea. Nempe factus
 est mihi tu iustitia a Deo. Nunquid mihi verendum, ne
 non una ambobus sufficiat? Non est palliū breue, quod
 secundum Prophetam non posse operire duos. Iustitia
 tua, iustitia in aeternum. Quid longius aeternitate? Et te
 pariter & me operiet largiter larga & aeterna iustitia.
 Et in me quidem operit multitudinem peccatorum: in
 te autem Domine, quid, nisi pietatis thesauros, diuitias
 bonitatis? Haec in foraminibus petra reposita mihi.

Thren. 3.

Rom. 5.
 Psal. 102. 88.
 Psal. 70.
 1. Cor. 1.
 Esa. 28.
 Psal. 118.

SENTENTIA III, Roman. 3.

Omnes peccauerunt, & egent gloria Dei: iustificati
 gratis per gratiam ipsius, per redemptionem quae
 est in Christo Iesu, quem proposuit Deus Propi-
 tiatorem per fidem in sanguine ipsius.

PARACLESIS.

Gratis nos iustificatos dicit Apostolus: hoc est, sine
 ullis operum meritis, per gratuitam Dei bonita-
 tem: per redemptionem, quae facta est per Iesum Chri-
 stum. Redemptionem autem eam intellige, quae proprie
 est captiui, per soluto pro capite eius pretio: Gen. 44.
 Magna autem constitit Christo hac nostra iusti-
 ficatio: nimirum pretio Sanguinis sui. Verum si pretio,
 quomodo ergo gratis? Haec tenus gratuita Dei bonitate:
 R 5 quia

CAP. LIX.
 Ada. Sab-
 bout. in
 Epist. ad
 Roman.

quia quamvis iustam pro peccatis Satisfactionem exegerit, gratis tamen Redemptorem & Satisfactorem ipse nobis misit. Atq. hoc est quod explicat in sequenti particula, QVEM PROPOSUIT PROPITIATOREM: quem sine ullis nostris meritis, gratuita sua bonitate proposuit Mediatorem, Reconciliatorem, Pacatorem, inter se & genus humanum, per fidem. Si velimus huius gratuiti doni participes esse, oportet adferre fidem: ac ut sciamus, qualem fidem, addit: IN SANGVINE IPSIVS. id est, qua credimus ipsum pro peccatis nostris expiandis effudisse sanguinem. Nec hoc solum: sed qua confidamus praeter ea, Deum patrem propter Sanguinem filii sui effusum, nobis quoq. fore propitium, quantumvis perditè habitum vixerimus: modo ex animo respiciamus ac patiamur. Obserua igitur Paulum hoc loco ter hac particula PER usum fuisse: Per gratiam ipsius, Per redemptionem, & Per fidem in sanguine ipsius. Vt intelligamus, cum iustificamur, tria maxime concurrere. Primum habet Gratia, qua est ex parte Dei: qui omnia sua gratuita bonitate agit. Deinde ex parte Iesu Christi, Iustitia redemptionis, proprius Sanguis effusus et oblati: tanquam pretium redemptionis humanae: Demum ex parte nostra Fides: qua donati à Deo, mouemur, inuenimus morti Iesu Christi. Perierant homines suo peccato, quorum miseria succurrit Christus, eò à Patre traditus: & se fidelibus communicat, ut in ipso inueniant omnia quae illis desunt. Gratis ergo misericordia Dei iustificamur. Intelligemus autem particulam GRATIS, non excludere Contritionem seu poenitentiam: sed meritum seu conditionem dignitatis ex parte nostri, & opus nostrum praecedens. Vtitur autem ea voce frequenter Apostolus, ut Iesu Christo tribuatur honos: scilicet, quod ipse sit Propitiator & Mediator: quod per ipsum & propter ipsum

laud. Guil.
Ba.

contingant nobis haec admiranda beneficia, re-
 missio peccatorum, liberatio à peccato & morte, donatio
 vita aeterna. Et ut promissio vita aeterna sit nobis certa: Pfal. 144.
 eam à Christo pendere audiamus, quem certò sci-
 mus fidelem esse in promissis.

SENTENTIA IIII. Roman. 5.

Commendat charitatem suam Deus in nobis: quo-
 niam cum adhuc peccatores essemus, Christus
 pro nobis mortuus est. Multò igitur magis nunc
 iustificati in sanguine ipsius, salvi erimus ab ira
 per ipsum. Si enim cum inimici essemus, recon-
 ciliati sumus Deo per mortem Filij eius: multò
 magis reconciliati salvi erimus in vita ipsius.

PARACLESIS.

Profectò summam & indicibilem erga nos charita- CAP. LX.
 tem ostendit Pater noster caelestis: quòd pro nobis
 peccatoribus & inimicis, Filium suum, quem unicè di-
 lexit, atrocissime morti exposuit. Quòd si tam beneno-
 lum se nobis exposuit, cum odio fuissemus dignissimi:
 qualem se nobis prestabit sanguine filij sui reconciliatis
 & iustificatis? Et si sanguine filij semel mortui: quanto
 magis nunc vivèntis in secula seculorum salvi erimus ab
 ira? Et amici quippe facti iam sumus: & morte deinceps
 opus non est. Qui inimicis igitur ita pepercit, ut fi-
 lio suo unigenito non pepercerit: cum amici facti sumus
 non tutabitur? quando deinceps iam opus non sit, ut Fi-
 lium suum pro nobis denuò tradat. Et si CHRISTVS pro
 temporis MORIVVS Deo nos reconciliauit, saluavit, iu-
 stificavit, immortales fecit, filios constituit, heredes at-
 que consortes: quid non velit & possit iam VIVVS? Si
 tantam vim MORS habuit: quantam VITA habere
 videnda est?

Chrysof. in
 cap. 5. Epist.
 ad Rom.
 Rom. 8.

SENTEN-